

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ԱՐԱՐԱԿԱՆ ԾՈՑԻ ԵՐԿԻՐՆԵՐՈՒ ԹԵՄԻՆ
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, 2. Տարի, Թիւ 239, Ուրբաթ, 11 ՅՈՒԼԻՍ, 2014

ՀԱՄԱՅՆՔԱՅԻՆ

Հ.Օ.Ս.ի «ՇԱՔԷ» Պարախումբը Հայրենիքին մեջ

Աւելի քան մէկ շաբաթ, Հ.Օ.Ս.ի Քուէթի մեկուսի մասնաճիւղի «ՇԱՔԷ» պարախումբի անդամները իրենց վաստակաշատ պարուսոյց՝ Տիկին Աննա Մանուկեանի հետ կը գտնուին Հայաստանի մեջ, մասնակցելու «Իմ Հայաստան» համահայկական 2-րդ փառատօնին:

Պարախումբը Քուէթէն մեկնեցաւ 1 Յուլիսի վաղ առաւօտուն եւ իր մասնակցութեամբ Քուէթահայի համայնքի շունչն ու թարմութիւնը բերաւ Հայրենիք: «Ազդարար»ի խմբագրութեան անունով յաջողութիւն եւ բարի կեցութիւն կը մաղթենք մեր սիրելիներուն:

Ստորեւ կը ներկայացնենք մանրամասնութիւններ քաղուած «Եռագոյն»ի կայքէջէն.-

Յուլիս 1-ին Ալ. Սպենդիարեանի անուան օփերայի եւ պալէի ազգային ակադեմիական թատրոնին մեջ մեծ հանդիսատրութեամբ բացուեցաւ «Իմ Հայաստան» համահայկական II փառատօնը, որուն ներկայ էին ՀՀ առաջին տիկին Ռիթա Սարգսեանը, Հայաստանի Ազգային



Ժողովի նախագահ Գալուստ Սահակեանը, ՀՀ վարչապետ Յովիկ Աբրահամեանը, ՀՀ սփիւռքի նախարար Հրանտշ Յակոբեանը եւ այլ պաշտօնատար անձինք, հասարակական գործիչներ, արուեստագէտներ, մտաւորականներ:

Բուն համերգային ծրագիրը մեկնարկեց Հայաստանի Հանրապետութեան օրհներգով՝ Աննա Մայիլեանի կատարմամբ:

Ողջոյնի խօսքով հանդէս եկաւ ՀՀ վարչապետ Յովիկ Աբրահամեանը: Ան մասնաւորապէս նշեց. «ՀՀ Կառավարութեան եւ անձամբ իմ անունից ջերմօրէն ողջունում եմ բոլոր մասնակիցներին: Բարո՛վ էք եկել Հայաստան: Ազգը ճանաչելի դարձնելու լաւագոյն միջոցը մշակոյթն է: Այստեղ համախմբուել է Հայաստանի, Արցախի եւ Սփիւռքի եռամիասնութիւնը, որը մեր ուժի իրական գրաւականն է: Հաւաքուելով հայրենիքում եւ ձեր ներուժը ներդնելով հայրենի մշակոյթի զարգացման գործում՝ դուք ձեր նպաստն էք բերում Հայոց Ցեղասպանութեան 100-րդ տարելիցի միջոցառումների իրականացման գործընթացում: Սա հայանպաստ, հայանուէր միջոցառում է: Ծնորհակալութիւն եւ բարի երթ բոլոր մասնակիցներին»:

Այնուհետև հանդիսավարներ Ալեո Բարսեղեան եւ սուրիահայ ուսանողուհի Լիւսի-Վանա Կարապետեան բեմ հրաւիրեցին «Իմ Հայաստան» փառատօնի «Պարարուեստի օրերեծրագրին մասնա կցելու համար աշխարհի 12 երկրներից հայրենիք ժամանած 36 պարախմբերին՝ ՌԴ-ից՝ «Շիրակ», «Տաշիր», «Կոունկ», «Հայասա», «Արմաւիր», «Նարեկ», «Արին Բերդ», «Տարօն», «Նարէ», «Արենի», «Կարօտ», «Արփի», «Հայաստանի փայլեր», «Արտոյտ», «Նաիրի», «Անի», «Թերպսիխորա», «Նոյեան», Վրաստանէն՝ «Անի», «Ֆանտազիա», «Վանք», «Ջելրան», «Վաչեան», «Բարալեթ», «Նաիրի», Ուքրանիայէն՝ «Արաքս», «Արմենիա», Լիբանանէն՝ «Արին», Քուէթէն՝ «Շաքէ», Աւստրալիայէն՝ «Նաիրի», Քանադայէն՝ «Անի», Ֆրանսայէն՝ «Արա», ԱՄՆ-էն՝ «Ջուարթոնց» պարային խումբերուն, ինչպէս նաեւ Հայաստանի եւ Արցախի պարախումբերուն:



Ազատ Արցախը կ'ողջունէ «Իմ Հայաստան» համահայկական 2-րդ փառատօնի մասնակիցները: Այս խօսքերով, ըստ Hayernaysor.am-ի, Արցախը Յուլիս 7-ին դիմաւորած է «Իմ Հայաստան» համահայկական 2-րդ փառատօնի մասնակիցները՝ Ստեփանակերտի Մշակոյթի տան մէջ կայացած համերգի ժամանակ: Համերգին ներկայ եղած է նաեւ ԼՂՀ մշակոյթի եւ երիտասարդութեան հարցերու նախարար Նարինէ Աղաբալեան:

Հանդիսատեսի շարքերուն՝ մասնակիցներուն առանձնակի ջերմութեամբ դիմաւորած են ԼՂՀ պաշտպանութեան բանակի զինուորները:

Մասնակիցները ողջունած է Արցախի «Մենք ենք մեր սարերը» երգի-պարի խումբը:

Չղադրող ծափահարութիւնների ներքոյ՝ մօտ երկու ժամ տեւած համերգին՝ ելոյթ ունեցած են Քուէթի «Շաքէ», Ախալքալաքի «Վաչեան», Վոլկովրատի «Արտոյտ», Գրասնոտարի «Արմաւիր», Ուքրանիոյ «Արմենիա», Սոչիի «Նաիրի», Պետդիկորսգի «Անի», Ռոստովի «Արփի», Լիբեցգի «Կոունկ» պարախումբերը:

Հանդիսութեան աւարտին բեմ բարձրացած է ԼՂՀ մշակոյթի եւ երիտասարդութեան հարցերու նախարար Նարինէ Աղաբալեան եւ շնորհակալութիւն յայտնած սփիւռքահայ պարախումբերուն, որոնք երկար ու դժուար ճանապարհ յաղթահարելէ յետոյ այնպիսի ոգիով պարած են, այնպիսի տրամադրութիւն հաղորդած, որ յոգնածութեան նշոյլ անգամ չէ երեւցած անոնց դէմքին: Նախարարը խնդրած է մէկ անգամ եւս բարձր ծափահարել մասնակիցներուն:

“Շնորհակալ ենք ձեզ, որ եկաք Արցախի եւ անտիս բերեցիք մեզ: Եկաք վկայելու, որ հայ ոգին արթուն է, աննկուն, որ Արցախի ազատագրական պայքարն իզուր չի եղել, եւ հազարաւոր քաջորդիների արիւնն իզուր չի հեղուել, որ արցախեան ոգու կրակը հասել է Սփիւռքի համայնքներ, տարածուել է փեւափ եւ հայի մէջ նորից արթնացրել ազգային ինքնութիւնը եւ իրաւունք տուել հպարտանալու իր ազգային ինքնութեամբ,-նշեց նախարարը եւ յաւելեց, որ



մեզ բաժանել է ճակատագիրը, բաժանել են պատերազմները, արհաւիրքները, բայց մեզ միշտ միացեալ պահողը եղել է մեր հաւատը, լեզուն եւ մշակոյթը:

“Շնորհակալութիւն ձեզ, որ ամուր կառչած էք ձեր արմատներին եւ կենդանի էք պահում հայ մշակոյթը: Քանի դեռ Սփիւռքի գաղթօջախներում, օտար փերում հնչում է հայկական երաժշտութիւն, մեր երիտասարդները պարում են հայկական ազգագրական, ժողովրդական պարեր՝ այս ազգն

անպարտելի է: Սա լաւագոյն պատասխանն է եւ լաւագոյն ուղերձը՝ Հայոց Ցեղասպանութեան 100-րդ տարելիցին ընդառաջ”, - ըսած է Նարինէ Աղաբալեան:

Այնուհետեւ պարախումբերը պարգեւատրուած են ԼՂՀ մշակոյթի եւ երիտասարդութեան



հարցերու նախարարութեան շնորհակալագրերով եւ փոքրիկ նուէրներով:

Գեղեցիկ համերգն ու փառատօնային հերթական օրը աւարտած է Արցախի գլխաւոր խորհրդանիշներէն մէկը համարուող “Մենք ենք մեր լեռները” յուշարձան այցելութեամբ:

www.aztarar.com

ԱՅՑԵԼՈՒԹԻՒՆՆԵՐ ՌԱՄԱՏԱՆԻ ԱՌԹԻՒ

ԿԱԹՈՂԻԿՈՍԱԿԱՆ ՓՈԽԱՆՈՐԴ ՀԱՅՐ ՍՈՒՐԲԸ ՇՆՈՐԱԲՈՐԵՑ ՔՈՒԷՅՑԹԻ ՎԱՐՉԱՊԵՏԸ, ՆԱԽԿԻՆ ՎԱՐՉԱՊԵՏԸ, ՆԱԽԱՐԱՐՆԵՐ ԵՒ ՊԵՏԱԿԱՆ ԵՐԵՍՓՈԽԱՆՆԵՐ



Անցնող քանի մը օրերու ընթացքին Ռամատանի առթիւ կատարած իր շրջագայութիւններու ծիրէն ներս, Թեմիս Կաթողիկոսական Փոխանորդ Գերպ. Տ. Մասիս Ծ. Վրդ. Զօպունեան տեսակցեցաւ Քուէթի վարչապետ Շէյխ Ճապըր Ալ Մուպարաք

Ալ Համատ Ալ Մուպահին հետ եւ անոր ու Քուէթի կառավարութեան ու ժողովուրդին փոխանցեց Թեմի գաւակներուն շնորհաւորութիւններն ու բարեմաղթիւնները:

Նոյն ծիրէն ներս Գերպ. Հայր Սուրբը հանդիպեցաւ Քուէթի նախկին Վարչապետին, երկրէն ներս մեծ հեղինակութիւն վայելող Շէյխ Նասըր Մուհամմատ Ալ Համատ Ալ Մուպահին եւ անոր փոխանցեց Քուէթի հայ համայնքի ողջոյններն ու Ռամատանի առթիւ արեւշատութեան բարեմաղթութիւնները:



Նաեւ Կաթողիկոսական Փոխանորդ Հայր Սուրբը այս առթիւ տեսնուեցաւ Քուէթի տնտեսութեան, տեղեկատուութեան եւ քաղաքապետութիւններու նախարարներուն, երեսփոխաններու, նախկին երեսփոխաններու եւ կարելոր գերադաստաններու ներկայացուցիչներուն հետ:



Հայր Սուրբի այցելութիւններու ընթացքին պատուիրակութեան մաս կազմեցին Արժ. Տ. Արտակ Քինյ. Քէհեաեան, Ազգային Վարչութեան ատենապետ՝ Պրն. Վարդան Նարինեան, յարաբերական յանձնախումբի ատենապետ՝ Պրն. Մարքօ Պապլանեան:

ՀԱՅԿԱԿԱՆ

Նախագահ Սերժ Սարգսյանի Այցելությունը ՀՅ Դաշնակցության Կեդրոնը

Երեքշաբթի, 8 յուլիսին, Հայաստանի Հանրապետության նախագահ Սերժ Սարգսյան այցելեց ՀՅԴ «Էտուարտո Սեֆերեան» ակումբը, իր պատուիրակության ընկերակցությամբ: Ակումբի մուտքին նախագահը ընդունուեցաւ հաց ու աղի արանդական հիւրասիրութեամբ, մինչ ՀՄԸՄ-ի «Արարատ» սկաուտական խումբի ղեկավարներ զինք պատուեցին սկաուտական փողկապով, իբրեւ յարգանքի նշան: Ներկայ եղած են ՀՅԴ Բիւրոյի անդամ Սարիօ Նալպանտեան, ՀՅԴ Հարաւային Ամերիկայի Կեդրոնական կոմիտէի, «Արամ Մանուկեան» կոմիտէի եւ Հայ դատի յանձնախումբի անդամներ, ՀՕՄ-ի եւ ՀՄԸՄ-ի Կեդրոնական վարչութեանց անդամներ Կրասիա Գեորգեան եւ Քարլոս Սեֆերեան, ՀՕՄ-ի, ՀՄԸՄ-ի եւ Համագայինի Շրջանային վարչութեանց անդամներ եւ տեղական մասնաճիւղերու անդամներ, «Արմենիա» երիտասարդական եւ պատանեկան միութիւններու անդամներ, եւ «Խրիմեան» վարժարանի երկրորդական բաժնի աշակերտները եւ ուսուցչական կազմը, ինչպէս նաեւ համակիրներ ու համայնքի կազմակերպութեանց ներկայացուցիչներ:



ՀՅԴ-ի եւ իր գաղափարակից կազմակերպութիւններու անունով բարի գալուստ մաղթելով նախագահ Սերժ Սարգսյանին եւ նախագահական պատուիրակութեան, խօսք առաւ ՀՅԴ Հարաւային Ամերիկայի Կեդրոնական կոմիտէի ներկայացուցիչ Խաչիկ Տէր Ղուկասեան, որ նշեց, որ «այս շէնքի մէջ Հայաստանի Հանրապետութեան բոլոր նախագահները ներկայ եղած են, եւ բոլորին ըսած ենք նոյնը: Պայմաններու բերումով իրերայաջորդ սերունդներ երբ հաստատուած են հայրենիքէն այսքան հեռու, այս ափերուն վրայ, միշտ հայապահպանումը ունեցած են կիզակէտ, միշտ հայ սերունդներ կերտելը եղած է իրենց համար նպատակ: Բայց արդէն 80-ական թուականներէն ի վեր Հայ դատի աշխատանքները, Հայոց ցեղասպանութեան ճանաչումը, քաղաքականացումը, վերածուած են մեր հիմնական աշխատանքներուն»:



Այցելութեան առիթով նախագահ Սարգսյանին յանձնելով արժանթիւնեան քարերով ճատրակի տախտակ՝ իբրեւ ՀՅԴ-ի եւ գաղափարակից կազմակերպութիւններուն կողմէ յուշանուէր, Տէր Ղուկասեան արեւելցուց. «Պարոն նախագահ՝ մենք զիտենք որքա՛ն դուք վարպետ էք շախմատի խաղին մէջ, որքա՛ն այդ խաղը ձեր սրտին

մօտ է: Մեր փափաքն է, որ երբ այստեղէն հեռանաք, միջազգային յարաբերութիւններուն նայիք ճատրակի ձեր վարպետի աչքերով եւ տեսնէք հարաւային կողմն աշխարհի, որ անցնող երկու-երեք տարիներու ընթացքին մեր թշնամիները՝ ազրպէյճանցիները եւ թուրքերը, դէպի առաջ շարժումներ կատարած են: Բարեբախտաբար անոնց առաջքը կ'առնուի: Մենք վստահ ենք, որ ձեր այս այցելութիւնը այդ առաջքը առնելու մեծ մղում մը պիտի տայ»: Եւ յուշանուէրի վրայ տեղադրուած «Մենք անկեղծ զինուորներ ենք» լոգունգին վերաբերուելով, Խաչիկ Տէր Ղուկասեան իր խօսքերը եզրափակեց աւելցնելով. «Մենք կ'ուզենք, որ դուք գիտնաք, որ միշտ ունիք, ինչպէս որ միշտ եղած է մեր կուսակցութեան եւ իր կազմակերպութիւններու պարագային, անկեղծ զինուորներ, որ երբ դուք, Հայաստանի պետութիւնը, Հայաստանի անկախութիւնը, Հայաստանի ապագան, ուզէ քայլ մը յառաջ տանիլ, վստահ եղէք, որ մեր ընկերներով, մեր բարերարներով եւ մեր համակիրներով, պատրաստ ենք այդ քայլը առաջ տանելու, ի խնդիր ազատ, անկախ եւ միացեալ Հայաստանի»:

Ապա խօսք առաւ նախագահ Սերժ Սարգսեան, որ նախ խորին շնորհակալութիւն յայտնեց ընդունելութեան համար, եւ շեշտեց. «Այս գրութիւնը՝ «Մենք անկեղծ զինուորներ ենք», չափազանց պարտաւորեցնող է: Որովհետեւ մեզմէ իւրաքանչիւրը զինուոր է: Զինուոր է իր պարտականութիւններուն մէջ, զինուոր է իր պատասխանատուութեան մէջ, զինուոր է իր հաւատացած գաղափարին համար: Եւ ես չափազանց ուրախ եմ, որ մեր ազգային կառոյցները, մեր ազգային կուսակցութիւնները, մեզի հպարտութիւն կը ներշնչեն, որուն պատճառով մենք կը տարբերինք ուրիշներէ»:



Շրջանին մէջ եւ ընդհանուր առմամբ Թուրքիոյ եւ Ազրպէյճանի աշխատանքի վերաբերեալ, Հայաստանի Հանրապետութեան նախագահը հաստատեց. «Ես շատ լաւ կը հասկնամ, որ մեր հակառակորդները, ոչ միայն աշխարհին այս կողմը, այլ նաեւ տարբեր կողմերու մէջ կը փորձեն աշխուժանալ: Ես շատ լաւ կը հասկնամ Հարաւային Ամերիկայի մէջ անոնց ջանքերուն նպատակը: Եւ անոնք իրենց ջանքերը կը դնեն այնտեղ, ուր մենք հզօր ենք: Բայց եթէ մենք պետք է այս պարագային զիջինք, ուրեմն ժամանակ մը ետք այս շէնքը ուրիշներուն պետք է ըլլայ: Ես վստահ եմ, որ այդպէս երբեք պիտի չըլլայ: Ես վստահ եմ, որ ընդհակառակն՝ մեր շէնքերուն թիւը պիտի աւելնայ, մեր համակիրներուն շարքերը պիտի մնան հոծ: Եւ շնորհիւ ահա այս գաղափարին մենք բոլորս զինուոր ենք, այո՛, զինուոր ենք, եւ զինուոր պիտի մնանք: Միայն այսպէս կարելի է Հայաստանը հզօրացնել»:

Մեկնելէն առաջ, նախագահ Սարգսեան իր կարգին յանձնեց Հայաստանի Հանրապետութեան Կեդրոնական դրամատան կողմէ արծաթեայ յոբելենական մետաղադրամներու հաւաքածոյ մը:

Մերժ Սարգսեան. «Մեծ Եղեռնի Հարիւրամեակը Աւարտի Սահմանագիծ Չէ»

Արժանթին պաշտօնական այցելութեան երկրորդ օրը, Հայաստանի նախագահ Մերժ Սարգսեան Պուենոս Այրեսի քաղաքային կառավարութեան նախարարներու խորհուրդի նախագահ Օրասիօ Լարետայի, տեղական ինքնակառավարման մարմիններու եւ արժանթինահայ համայնքի ներկայացուցիչներուն հետ ներկայ գտնուեցաւ Պուենոս Այրեսի Պալերմօ թաղամասին մէջ Հայոց ցեղասպանութեան թանգարանի հիմնարկէքի արարողութեան:

Հիմնարկէքի յուշատախտակին օրհնութենէն ետք Օրասիօ Լարետա եւ Հայաստանի նախագահի աշխատակազմի ղեկավար Վիգէն Սարգսեան բացումը կատարեցին:

Հայաստանի նախագահի աշխատակազմի հասարակութեան եւ տեղեկատուութեան միջոցներու հետ կապերու վարչութիւնը հաղորդեց, որ Մերժ Սարգսեան արարողութեան մասնակիցներուն առջեւ ելոյթ ունեցած է՝ մասնաւորապէս ըսելով. «Այս թանգարանը ստեղծուած է՝ լրացնելու համար շարքը Հայոց ցեղասպանութեան նուիրուած այն բազմաթիւ յուշակոթողներուն, որոնք սփռուած են արեւելքէն արեւմուտք, հիւսիսէն հարաւ՝ իբրեւ խօսուն վկայ, որ որքան ժամանակ ալ անցնի, մենք պէտք է յիշենք ու պահանջենք: Մարդկային յիշողութիւնը պատմութեան իւրայատուկ մաղն է, որ առանձնայատուկ երախտագիտութեամբ կը պահէ այն անուններն ու տեղանունները, որոնք մշտապէս արդարութեան սերմեր կը ցանեն՝ առաջ մղելով համամարդկային ամենէն վեհ արժէքները: Այդ լուսաւոր տեղանուններէն մէկն ալ Արժանթինն է, որ օգնութեան հասնելով մեր ժողովուրդին արհաւիրքի ամենէն ծանր պահուն, փրկեց ոչ միայն հարիւր հազարաւոր հայերու, այլեւ վերականգնեց մեր ժողովուրդին սասանուած հաւատքը առ այն, որ մարդը ստեղծուած է Աստծոյ նմանութեամբ, որ մարդուն մէջ չի կրնար մեռնիլ մարդը եւ կենդանի մնալ ցեղասպան բարբարոսը»:

«Յաջորդ տարի կը լրանայ Հայոց ցեղասպանութեան 100-ամեակը: Սակայն բոլորին յայտնի է՝ մարդկութեան դէմ ոճիրները վաղեմութեան ժամկէտ չունին: Մեծ եղեռնի հարիւրամեակը աւարտի սահմանագիծ չէ, այլ իրատեսակ հանգրուան: Հարիւրամեակով մենք պէտք է ամփոփենք պատմական հանգրուան մը եւ ազդարարենք յանուն արդարութեան վերականգնման պայքարի նոր շրջան մը, որ պիտի համադրուի ժխտողականութեան քաղաքականութեան դիմակայելու նոր գործիքներով, ուր մենք պէտք է ըլլանք աւելի հզօր, հզօր միջազգային հանրութեան հետ միասին, որովհետեւ միասնութեան մէջ է ուժին գաղտնիքը եւ արդարութեան յաղթանակը», յայտարարեց Հայաստանի նախագահը:

10 յունիսին Արժանթինի մէջ Հայաստանի դեսպանութեան մասնակցութեամբ եւ Հայ կեդրոնի ու Արժանթինի հայոց թեմի հովանիին ներքեւ տեղի ունեցաւ Հայոց ցեղասպանութեան թանգարանի կառուցման նպատակով Պուենոս Այրեսի քաղաքային իշխանութիւններուն կողմէ արժանթինահայ համայնքին անվճար յատկացուած հողատարածքի՝ իրաւական փաստաթուղթերը փոխանցելու պաշտօնական արարողութիւնը: Հայաստանի նախագահը նոյն օրը այցելեց նաեւ Ս. Գրիգոր Լուսաւորիչ եկեղեցի, ծաղկեպսակ զետեղեց եկեղեցոյ բակին մէջ գտնուող Հայոց ցեղասպանութեան զոհերու յիշատակը յաւերժացնող յուշարձանին եւ յարգանքի տուրք մատուցեց ցեղասպանութեան զոհերու յիշատակին: Մերժ Սարգսեան ծաղիկներ զետեղեց նաեւ նոյն վայրին մէջ դարաբաղեան պատերազմին ընթացքին ազատամարտիկներու յիշատակին կառուցուած յուշաքարին վրայ:

Քննարկում՝ 2015-ին Ընդառաջ Թուրքիայէն Տարածուող Ցայտարարութիւններուն Եւ Հերքումներուն



Չորեքշաբթի օր «Մետիա» կեդրոնին մէջ տեղի ունեցաւ քննարկում՝ Թուրքիոյ տարբեր լրատուամիջոցներով տարածուող յայտարարութիւններու, ապա անոնց պաշտօնական հերքումներուն շուրջ:

Խօսք առին ՀՅԴ Բիւրոյի Հայ դատի եւ քաղաքական հարցերու գրասենեակի պատասխանատու Կիրօ Մանոյեան, «Մոտուս Վիվէնտի» կեդրոնի ղեկավար

Արա Պապեան: Տեսակապով քննարկման միացաւ նաեւ թրքական «Այ.Էմ.Սի.» պատկերասփիւղի ընկերութեան լրատուական ծրագիրներու ղեկավար Արիս Նալչը:

Ծրագիրը կը վարէր հանրային լրագրութեան ակումբի հայ-թրքական ծրագիրներու համակարգող Լիլիթ Գասպարեան:

Օրեր առաջ թրքական «Թարաֆ» թերթը յօդուած հրատարակած էր, ուր ըսուած էր, որ նախագահութեան թեկնածու Էրտողան մտադիր է կարգաւորել Հայաստանի հետ յարաբերութիւնները եւ նոյնիսկ բանալ Հայաստանի հետ սահմանը: Աւելի ուշ Թուրքիոյ արտաքին գործոց նախարարութիւնը հերքեց այդ լուրը:

Արդեօք ատիկա պատեղեկատուութիւն էր, թէ՞ փորձած էին ցոյց տալ աշխարհին, որ Էրտողանի ղեկավարման արդիւնքով դրական տեղաշարժեր կրնան ըլլալ Հայաստան-Թուրքիա յարաբերութիւններուն մէջ:

«Մետիա» կեդրոնին մէջ տեղի ունեցած քննարկումին ընթացքին, ՀՅԴ Բիւրոյի Հայ դատի եւ քաղաքական հարցերու գրասենեակի պատասխանատու Կիրօ Մանոյեան կարծիք յայտնեց, որ 2015 թուականին ընդառաջ Թուրքիոյ կողմէ պիտի տեսնեն տարբեր հնարքներ, որոնք պէտք է պատրանք ստեղծեն, իբրեւ թէ կայ հոլովոյթ մը Հայաստանի հետ յարաբերութիւններուն մէջ:

Ըստ Կիրօ Մանոյեանի, ատիկա ո՛չ Հայաստանի հետ, ո՛չ ալ հայութեան հետ տեղի կ'ունենայ, այն պարզ պատճառով, որ Թուրքիան միշտ ըսած է, որ մինչեւ չլուծուի Ղարաբաղի հարցը, ինք պիտի չբնականօրէն յարաբերութիւնները Հայաստանի հետ: Անոր մասին վերջերս խօսած է Թուրքիոյ արտաքին գործոց նախարար Տաւուօղլուն թրքական ամսագիրներէն մէկուն տուած գիտական յօդուածին մէջ: «Թուրքիան Հայաստանի հետ յարաբերութիւնները կը շարունակէ պայմանաւորել Ազրպէյճան-Հայաստան յարաբերութիւններով, սակայն 2015-ին ընդառաջ անընդհատ կը փորձեն ցոյց տալ, թէ հոլովոյթ մը կայ», ըսաւ Կիրօ Մանոյեան:

Անդրադառնալով Թուրքիոյ տարբեր լրատուամիջոցներով տարածուող յայտարարութիւններուն՝ մասնաւորապէս, որ «Թարաֆ» թերթի տեղեկութիւններով վարչապետ Ռեճեփ Թայիփ Էրտողան սեպտեմբերին Հայաստանի հետ սահմանը բանալու յանձնարարական տուած է, Մանոյեան նշեց. «Էրտողան կը փորձէ ինքզինք ցոյց տալ իբրեւ ոչ վատ անձնաւորութիւն: Այդ պատճառով ալ ցոյց կու տայ, քիւրտերու եւ Հայաստանի հետ Թուրքիոյ հարցերը լուծելու պատրաստակամութիւն: Ռուսիան ալ շահագրգռուած չէ, որ սահմանը բացուի, ընդհակառակն՝ արեւմուտքը շահագրգռուած է թուլցնել Ռուսիոյ եւ Իրանի ազդեցութիւնը շրջանին մէջ, սահմանը բանալու միջոցով»:

Կիրօ Մանոյեան դարձեալ ըսաւ բազմիցս արտայայտած այն տեսակէտը, որ Հայաստան պէտք է վերցնէ իր ստորագրութիւնը Հայաստան-Թուրքիա արձանագրութիւններէն, որովհետեւ անոնք կարելիութիւն կու տան Թուրքիոյ Ղարաբաղի հարցին որոշ դերակատարութիւն ստանձնել ու ցոյց տալ միջազգային հանրութեան, թէ երկու երկիրներուն միջեւ հոլովոյթներ տեղի կ'ունենան:

Սփիւռքահայ Գործարարներու Պատուիրակութիւն Մը՝ Արցախի Մէջ



Խումբ մը գործարարներու հետ Արցախ կը գտնուի ՀՅԴ Արեւմտեան Ամերիկայի Կեդրոնական կոմիտէի ներկայացուցիչ Վիգէն Յովսէփեան:

Չորեքշաբթի առաւօտեան Վիգէն Յովսէփեանի գլխաւորած սփիւռքահայ գործարարներու պատուիրակութիւնը հանդիպում ունեցաւ Լեռնային Ղարաբաղի Հանրապետութեան

փոխվարչապետ, ՀՅԴ Արցախի Կեդրոնական կոմիտէի անդամ Արթուր Աղաբէկեանի հետ:

Հանդիպումին ներկայ էին նաեւ Լեռնային Ղարաբաղի Հանրապետութեան տնտեսութեան փոխնախարար Գրիգորի Մարտիրոսեան, ՀՅԴ Արցախի Կեդրոնական կոմիտէի ներկայացուցիչ Դաւիթ Իշխանեան եւ Լեռնային Ղարաբաղի Հանրապետութեան կառավարութեան առընթեր զբօսաշրջութեան եւ պատմական միջավայրի պահպանութեան վարչութեան պետ Սերկէյ Շահվերդեան:

Գործարարները Արցախի մէջ պիտի ուսումնասիրեն Արցախի ներդրումային միջավայրը:

Հանդիպման ընթացքին փոխվարչապետը գործարարներուն ներկայացուց Լեռնային Ղարաբաղի Հանրապետութեան տնտեսութեան կառոյցը եւ տնտեսութեան տարբեր ճիւղերու զարգացման կարելիութիւնները: Ներկայացուեցան նաեւ այն տնտեսական ծրագիրները, որոնք այժմ ընթացքի մէջ են: Փոխվարչապետը շեշտեց Լեռնային Ղարաբաղի Հանրապետութեան տնտեսութեան գործին մէջ սփիւռքահայ գործարարներու ներդրումներուն դերը՝ վստահեցնելով, որ Արցախը կրնայ շահաւէտ երկիր ըլլալ ներդրումներու համար, որովհետեւ այստեղ կան բոլոր բարենպաստ պայմանները անոր համար:

Ներկաները հարցադրումներ կատարեցին՝ մասնաւորապէս շուկայի սպառման խնդիրի, անոր ուղղութեամբ աշխատանքներու կարելիութեանց մասին, ինչպէս նաեւ Մաքսային միութեան անդամակցութեան եւ Արցախի վրայ անոր ազդեցութեան մասին:

Լեռնային Ղարաբաղի Հանրապետութեան փոխվարչապետը ընդգծեց, որ այսօր վստահաբար սպառման խնդիրը առկայ է Արցախի մէջ, որովհետեւ գիւղատնտեսութիւնը արտադրելու մեծ կարելիութիւններ կու տայ բազմաթիւ գիւղական մթերքներ, որոնց համար սպառման շուկայի խնդիր կայ, ուր կ'ակնկալուի նաեւ սփիւռքին օժանդակութիւնը:

Անդրադառնալով Մաքսային Միութեան Հայաստանի անդամակցութեան եւ Արցախի վրայ անոր ազդեցութեան հարցին փոխվարչապետը նշեց, որ Արցախը եւ Հայաստանի Հանրապետութիւնը կը գտնուին ընդհանուր տնտեսական գօտիի մէջ եւ ատիկա չի կրնար որեւէ փոփոխութեան ենթարկուիլ:

Վիգէն Յովսէփեանի գլխաւորած սփիւռքահայ գործարարներու պատուիրակութիւնը շաբթ մը հանդիպումներ պիտի ունենայ Արցախի մէջ՝ նաեւ Արցախի Հանրապետութեան նախագահին հետ:

ՄԻՋԱԶԳԱՅԻՆ

Պաղեստինցիք Ռմբակոծեցին Տեմոնա Քաղաքը. Կազայի Դեմ Իսրայելեան Յարձակումը Շարունակուեցաւ

Իսրայել Չորեքշաբթի օր եւս շարունակեց Կազայի դեմ իր յարձակումները, որոնք վերջին օրերուն ընթացքին աւելի քան 40 գոհ եւ 340 վիրաւոր պատճառեցին: Իսրայել հաստատեց, որ անկարող է Կազայի մէջ հրթիռներու պահեստանոցներուն վայրերը յայտնաբերել:



Պաղեստինցիները շարունակեցին ռմբակոծել իսրայելեան բնակեցման վայրերը եւ տարբեր քաղաքներ, ինչպէս՝ Հայֆան, Աշքուրը, Ջելիւրոն Եաաքուպը, Հոֆ Հապոնիմը, Շահեր Հանիկֆը եւ Ստերոթը: Պաղեստինեան հրթիռները հասան մինչեւ Թել Աւիւի հարաւը գտնուող Քիրիաթ Կաթ բնակեցման վայրը:

Տիրող կացութեան մէջ Թել Աւիւի մէջ Միացեալ Նահանգներու դեսպանատունը, ըստ իսրայելեան «Ուալախ» կայքին, քաղաքին մէջ տիրող ապահովական կացութեան պատճառով փակուած է: Նշանակալից այլ զարգացումով մը իսրայելեան «Պողպատեայ գմբէթ» հակահրթիռային համակարգը վար առաւ երկու հրթիռներ, որոնք կ'ուղղուէին դէպի Տեմոնայի շրջան, ուր կը գտնուի Իսրայելի հիւլեական կայանը: Քասսամ ջոկատները յայտարարեցին, որ Տեմոնա քաղաքը ռմբակոծած են «Էմ.75» տիպի երեք հրթիռներով:

Իրան Երեք Յարձակողական Օդանաւ Ուղարկած Է Իրաք



«Նիւ Եորք Թայմզ» օրաթերթը՝ վկայակոչելով ամերիկեան եւ իրաքեան զինուորական շրջանակները, կը հաղորդէ, որ Իրան երեք յարձակողական օդանաւ ուղարկած է Իրաք, ուր իրենց յառաջխաղացքը կը շարունակեն Իրաքի եւ Շամի իսլամական պետութեան (ՏԱՀԵՇ) զինեալները:

Աղբիւրը կը նկատէ, որ այս ձեւով Իրան խորացուցած է իր ներգրաւուածութիւնը դրացի երկրի տագնապին մէջ եւ այդպիսով կը մեծցնէ իր ազդեցութիւնը այդ երկրի կառավարութեան վրայ:

Խօսքը «Մու-25» օդանաւերու մասին է, որոնք արդէն գործողութիւններ կատարած են Իրաքի արեւմուտքը եւ հիւսիսը:

Հետաքրքրական է, որ նոյն օդանաւերը ի սկզբանէ պատկանած են իրաքեան օդուժին, սակայն 1991-ին Ծոցի պատերազմի ժամանակ անվտանգութեան նկատառումներով Իրան փոխադրուած են:

Իրաքի Մէջ Չինեալները Քիմիական Չենքի Պատրաստութեան Գործարան Մը Գրաւած Են



«Պի.Պի.Սի.»-ի ռուսական ծառայութիւնը կը հաղորդէ, որ Իրաքի կառավարութիւնը հաստատած է, որ Իրաքի եւ Շամի իսլամական պետութիւն (ՏԱՀԵՇ) խմբաւորման զինեալները գրաւած են քիմիական զենքի պատրաստութեան փակ գործարանը:

ՄԱԿ-ին ուղղուած նամակին մէջ Իրաքը նաեւ կը յայտարարէ, որ չի կրնար իրականացնել իր պարտաւորութիւնները՝ քիմիական զենքը վերացնելու վերաբերեալ:

Պաղտատի հիւսիս-արեւմուտքը գտնուող գործարանին մէջ կը պահուին մարտագլխիկներով հրթիռներու մասեր, որոնք կը պարունակեն սարին եւ այլ նիւթեր:

ՄԱԿ-ի եւ Միացեալ Նահանգներու ներկայացուցիչները կը յայտարարեն, որ գործարանին մէջ պահուող հրթիռները այնպիսի վիճակի մէջ չեն, որ զինեալները կարենան զանոնք օգտագործել:

ՄԱԿ-ի ընդհանուր քարտուղարին հասցեագրուած նամակին մէջ ՄԱԿ-ի ներկայացուցիչ Ալի Հաքիմը հաղորդած է, որ զինեալները 11 յունիսին գրաւած էին գործարանը՝ զինաթափելով անվտանգութեան աշխատակիցները:

Այդ փաստաթուղթին մէջ նաեւ կը նշուի, որ համաձայն տեսահսկումի համակարգերու ձայնագրութիւններուն՝ զինեալները տարած են գործարանի սարքաւորումներուն մէկ մասը:

Պաղտատ յայտարարած է, որ քիմիական զենքի ոչնչացման հռչակովը պիտի վերսկսի, անմիջապէս երբ երկրին մէջ բարելաւուի անվտանգութեան վիճակն ու կառավարական վերահսկողութիւն սահմանուի գործարանին վրայ:



Հրապարակուած տեղեկութիւններուն համաձայն Մութաննայի քիմիական գործարանին մէջ մօտ 2500 հրթիռ կայ՝ յագեցած քիմիական զենքով:

Միացեալ Նահանգներ հաղորդած է, որ գործարանը գրաւուած էր շուրջ երեք շաբաթ առաջ: Միւսնի ծայրայեղականները կը տնօրինեն Իրաքի հիւսիս-արեւմուտքի մեծ մասը:

Միւսկողմէ, Իրաքի վարչապետ Նուրի Մալիքի Չորեքշաբթի օր յայտարարեց. «Երպիլ ՏԱՀԵՇ-ի, Քայիտայի եւ Պաասիկ էղրոնատեղիի վերածուած է» աւելցնելով. «Չենք կրնար լուռ մնալ իտես Երպիլի ահաբեկչական կազմակերպութիւններու եւ արդարադատութեան նկատմամբ տեղի կ'ընդունուի վերածման»:

ԼՈՒՐԵՐ ԳԱՂՈՒԹՆԵՐԷՆ

**Հայրապետական Մաղթանք Արամ Ա. Կաթողիկոսի
Ընտրության Եւ Օծման 19-րդ Տարեդարձի Առթիւ**

Նոր Ջուղա



Յունիս 29-ին, Նոր Ջուղայի Ս. Յովհաննու եկեղեցւոյ մէջ մատուցուեցաւ Ս. պատարագ եւ տեղի ունեցաւ հայրապետական մաղթանք՝ Մեծի Տանն Կիլիկիոյ Արամ Ա. կաթողիկոսի ընտրութեան եւ օծման 19-րդ տարեդարձի առիթով:

Թեմի առաջնորդ Բարգէն եպս. Չարեան իր քարոզի մէջ անդրադարձաւ վեհափառ հայրապետի նուիրեալ ծառայութեան բազում երեսներուն: Ան խօսելով

վեհափառ հայրապետի բազմատեսակ գործունէութեան մասին՝ շեշտեց, որ անոր շնորհիւ՝ Հայաստանեայց Առաքելական Սուրբ Եկեղեցին միջազգային զանազան ատեաններու ուշադրութեան կեդրոն դարձած է եւ իր արժանիքները ի սպաս դրած է ո՛չ միայն հայութեան, այլեւ՝ համայն քրիստոնէայ աշխարհի հոգեւոր եւ բարոյական արժէքներու պահպանման ու զարգացման նուիրական աշխատանքին մէջ:

Թեհրան

Ռուսիոյ Դեսպանին Այցը՝ Ազգային Առաջնորդարան



Յունիս 26-ին Իրանի մէջ Ռուսիոյ դեսպան Լեւոն Ջաղարեան այցելեց Ազգային առաջնորդարան եւ հանդիպում ունեցաւ թեմի առաջնորդ Սեպուհ արք. Սարգիսեանին հետ:

Դեսպանը շնորհակալութիւն յայտնեց առաջնորդ արքազանին՝ իր ջերմ ընդունելութեան համար եւ յաջողութիւն մաղթեց անոր: Դեսպանը յայտնեց նաեւ, որ օգոստոսին Ռուս Ուղղափառ Եկեղեցիէն պատուիրակութիւն մը պիտի այցելէ Թեհրան՝ Մշակոյթի եւ իսլամական հաղորդակցութեան միջազգային կազմակերպութեան Կրօններու Երկխօսութեան կեդրոնի հրաւերով՝ կրօնական երկխօսութեան համար:

Առաջնորդ արքազանը իր հերթին ողջունեց դեսպանը, գնահատեց անոր գործունէութիւնը եւ մեծապէս շեշտեց կարեւորութիւնը Ռուսիոյ քաղաքական եւ կրօնական դերակատարութեան՝ շրջանին մէջ:

Հանդիպման աւարտին դեսպանը յայտնեց նաեւ, որ Ռուսիոյ նախագահ Փութին 24 ապրիլ 2015-ին Հայոց ցեղասպանութեան 100-ամեակին առիթով, ընդառաջելով Հայաստանի Հանրապետութեան նախագահի հրաւերին, Հայաստան պիտի մեկնի՝ որպէս զօրակցութիւն հայ ժողովուրդին:

Ֆրանսա

**Անահիտ Տոնապետեան Արժանացաւ
Ֆրանսայի Պատուոյ Լեգէոնի Շքանշանին**



Յունիս 19-ին Արեւելեան լեգուններու եւ քաղաքակրթութեանց ազգային հիմնարկի կեդրոնական շէնքին շրջափակէն ներս տեղի ունեցաւ «Պատուոյ լեգէոն»-ի շքանշանի տուչութիւն՝ փրոֆ. Անահիտ Տոնապետեան-Տեմոփուլոսի :

«Պատուոյ լեգէոն»-ի ազգային շքանշանը հաստատուած է 19 մայիս 1802-ին, Նափոլէոն Պոնափարթի կողմէ եւ կը յանձնուի պետութեան եւ ազգին զգալի ծառայութիւններ մատուցած անձերու:

Արեւելեան լեգուններու հիմնարկին նախագահ Մանիւէլլ Ֆրանք եւ Լեգուարանական հետազոտութեանց միաւորման տնօրէն Իզապէլ Լեկլիզ իրենց ելոյթին մէջ մանրամասնօրէն ներկայացուցին Անահիտ Տոնապետեան-Տեմոփուլոսի գիտական եւ մանկավարժական գործունէութիւնը, յատկապէս՝ անոր վիթխարի աշխատասիրութիւնը, դժուարին իրավիճակներու մէջ լուծումներ գտնելու կարողութիւնը եւ մարդամտութիւնը: Անոնք հաստատեցին, որ Արեւելեան լեգուններու եւ քաղաքակրթութեանց ազգային հիմնարկին հայագիտական բաժնին ղեկավարութիւնը ստանձնելով, Տոնապետեան կրցաւ զայն վերածել Հայաստանէն դուրս ամենէն լիակատար եւ ամբողջական հայագիտական կրթութիւն ապահովող համալսարանական ամպիոնին:

Այնուհետեւ հնդերոպարան եւ հայագէտ-լեգուարան, հիմնարկի անդամ Շարլ տը Լամպերթըրի Տոնապետեանին յանձնեց «Պատուոյ լեգէոն»-ի շքանշանը:

Աւարտին երախտագիտական եւ շնորհակալական խօսքով ելոյթ ունեցաւ Անահիտ Տոնապետեան:

Թոքիո

Կոմիտասի 145-ամեակի Նուիրուած Համերգ



Ճափոնի մէջ Հայաստանի դեսպանութեան աջակցութեամբ, Թոքիոյի «Կինգա-Եամահա» համերգասրահին մէջ 2 յուլիսին տեղի ունեցաւ Ճափոնցի դաշնակահար Թակահիրո Ակիպայի մենահամերգը՝ նուիրուած Կոմիտաս վարդապետի ծննդեան 145-ամեակին:

Համերգին հնչեցին Կոմիտասի ստեղծագործութիւնները՝ Ռոպերթ Անդրեասեանի եւ Գեորգի Սարաճեանի մշակումով:

Տակահիրո Ակիպան ուսանած է Թոքիոյի արուեստներու համալսարանի դաշնամուրի բաժնին մէջ, այնուհետեւ կատարելագործուած Մոսկուայի Չայքովսքիի անուան

երաժշտանոցին մէջ: 2013-ին Գերմանիոյ մէջ տեղի ունեցած «Կոմիտաս» միջազգային փառատօնին Թակահիրո Ակիպան արժանացած է առաջին մրցանակի:

ՄԱՐԶԱԿԱՆ

Բերդապահներուն Մոնտիալը Եւ Նոր Աստղի Մը Ծագումը

Արդէն հասած ենք Մոնտիալի աւարտին, եւ արդէն աշխարհի լաւագոյն խումբերը իրարու դէմ պիտի մրցին եւ մէկը պիտի դառնայ աշխարհի յաջորդող 4 տարուան ախոյեանը, որուն մասին պիտի յիշենք եւ լսենք մինչեւ Ռուսիոյ մէջ տեղի ունենալիք 2018-ի Մոնտիալը:



Փաստօրէն, 1930-ի Մոնտիալէն մինչեւ օրս միշտ կը յիշուին ախոյեանը, լաւագոյն մարզիկը եւ կոլսքորըրը. մինչ անդին միշտ ալ եղած են մարզիչներ, մարզիկներ (բերդապահ, յետասպահ), որոնք առիթը չեն ունեցած առանձնապէս յիշուելու եւ կամ իրենց անունը չէ յիշուած պարզապէս, որովհետեւ Մոնտիալի ընթացքին ֆութպոլասէրները կը սիրեն սաղանդ ունեցող կամ կոլ նշանակող մարզիկները եւ անոնց վրայ կը կեդրոնանայ բոլորին ուշադրութիւնը:

Ճիշդ է, որ Փելեն, Միլլըրը, Մարատոնան, Ջիտանը, Ռոմարիոն եւ կամ Ռոնալտոն յիշատակ ձգեցին իրենց ետին Մոնտիալներու ընթացքին, բայց պէտք չէ մոռնալ նաեւ այն բերդապահները, որոնք մեծ ազդեցութիւն ունեցած են եւ օժանդակած, որ ազգային հաւաքականը հասնի աւարտական հանգրուանի: Յիշեցնենք 1982-ին Սպանիոյ մէջ Իտալիոյ հսկան՝ 42 տարեկան Տինօ Զոֆֆը, 1986-ին Մեքսիքայի մէջ Պելճիքայի տոլֆինը՝ Ժան-Մարի Փֆաֆֆ, 1990-ին Իտալիոյ մէջ փենալթիներու որսորդը՝ արժանթինցի Սերճիօ Կոյքոչիյան, 1994-ին Միացեալ Նահանգներու մէջ Պելճիքայի ձուկը՝ Միշել Փրոտտոն, 1998-ին Ֆրանսայի մէջ ճաղատ Ֆապիան Պարթեզը, 2002-ին լաւագոյն խաղացող եւ բերդապահ առիւծը՝ Օլիվըր Բան, 2006-ին իտալացի սիւփըրման Ճիճի Պուֆոնը եւ 2010-ին Սպանիոյ «սուրբը»՝ Իքեր Բասիյասը:



Այսօր՝ 2014-ի Մոնտիալի աւարտին, երբ դիտենք բոլոր մրցումները եւ ուշադրութեամբ կարդանք ու լսենք բոլոր մարզիչներու վկայութիւնները, թերթերու կամ համացանցի վիճակագրութիւնները, փաստօրէն այս Մոնտիալը պիտի յիշուի ոչ թէ ախոյեանին անունով միայն, այլեւ բերդապահներու Մոնտիալը դառնալու իրողութեամբ: Ամենէն համեստ, ճկուն, տինամիք բերդապահները գրաւեցին

բոլորին ուշադրութիւնը՝ իրենց լաւ խաղատճով, ճշգրիտ տեղին միջամտութիւններով փրկեցին եւ յաջորդ հանգրուանի տոմսերը ապահովեցին իրենց հաւաքականներուն: Այսպէսով յիշենք անոնցմէ քանի մը անունները.

- Թիմ Հաուըրտ.- Միացեալ Նահանգներ, Էվըրթընի 35 տարեկան ամերիկացի բերդապահը ոչ միայն լաւ խաղարկութիւն ունեցաւ, այլեւ մրցանիշ մը հաստատեց Պելճիքայի դէմ մրցումին՝ 16 ստոյգ առիթներէ փրկելով, բան մը, որ չէր պատահած 1966-էն ի վեր:

- Մանուէլ Լոյտեր.- Գերմանիա, Պայերն Մինխիխի 28 տարեկան բերդապահը ոչ միայն իր քառակուսիին տերն էր, այլև մէկ խօսքով իր խումբին 5-րդ յետսապահն էր: Ան բազմիցս դուրս կու գար եւ ոտքով լաւ փոխանցումներ կատարելով կ'օգնէր իր ընկերներուն:

- Քէյլար Լաւաս.- Քոսթա Ռիքա, 28 տարեկան Լեվանթի բերդապահը, ազգային հերոսի ճանաչումը ստացաւ իր երկրին մէջ: Լաւաս ոչ միայն շատ կողեր չստացաւ (2 կոլ` 5 մրցումի ընթացքին) այլև Քոսթա Ռիքան մինչև քառորդ աւարտական հասցնողներէն էր:



- Կիերմո Օչուա.- Մեքսիքա Աժաքսիո, շատեր թերեւս չէին փափաքէր, որ Օչուա ըլլար Մեքսիքայի բերդապահը` իր ակումբին հետ ձախող արդիւնքներուն պատճառով, բայց 29 տարեկան բերդապահը փաստեց, որ ինք արժանի է եւրոպական աւելի լաւ ակումբի մը մաս կազմելու:

Ասոնց կողքին անշուշտ պէտք չէ մոռնալ պրագիցի Ժուլիօ Սեզարը, հոլանտացի Ժեսփըր Սիլլերընը, Չիլիի Քլաուտիօ Պրաուն, Պելճիքայի Թիպօ Քուրթուան, Ֆրանսայի Հոկօ Լյորիսը եւ Նիկերիոյ Վենսըն Քնիաման: Իսկ անդին շատ լաւ բերդապահներ, ինչպէս` Քասիյաս, Պուֆոն, Հարթ, Աքինֆիեւ, Փլեթիփոզա շատ անյաջող եւ յուսախաբ Մոնտիալ մը ունեցան:

Ինչ կը վերաբերի նոր աստղին ծագումին:



Ճիշդ է, որ Մեսսի, Ինիեսթա, Լեյմար, Փիրլօ եւ շատ ուրիշներ ունեցան տպաւորիչ եւ համոզիչ խաղարկութիւն, բայց յառաջիկայ տարիներուն պիտի լսենք, որ նոր սերունդի ֆութպոլիստներ պիտի ուզեն նմանիլ Մոնտիալի նոր աստղին` քոլումբիացի 22 տարեկան Ճէյմս Ռոտրիկեզի, որուն համար արդէն եւրոպական մեծ ակումբներ հսկայական գումարներ կը վճարեն, որպէսզի ձեռք ձգեն Մոնաքոյի թիւ 10 շապիկը կրողը: Հակառակ անոր, որ Քոլումբիա դուրս մնաց Մոնտիալի քառորդ աւարտականէն, բայց մինչև աւարտական մրցում` վստահաբար Ռոտրիկեզի 6 կոլերը եւ 2

փոխանցումները եւ տրիպլէները պիտի մնան եւ յիշուին երկար ժամանակ:

Այսպիսով, 2014-ի Մոնտիալի ախոյեանի անունը տակաւին չհռչակուած, բոլորիս ուշադրութիւնը արդէն իսկ գրաւած են վերոնշեալ բերդապահները եւ նոր աստղը:

Ս. ԷՍԿԻՃԵԱՆ

Պարապութիւնը երեխաներու երջանկութիւնն է ու ծերերու դժբախտութիւնը:

Վ. Հիւկօ

ԱՌՈՂՋԱՊԱՀԱԿԱՆ

**Աւոքատային Կորիզին Բարիքները՝
Մեր Առողջութեան**

Աւոքատային պարունակած ասիտ ամինէներուն 70 առ հարիւրը կը գտնուի անոր խոշոր կորիզին մէջ: Կորիզը ինքնին բարիքներու հանք մըն է եւ ածան դեղ մը՝ շատ մը առողջական հարցերու:

Անիկա անթիօքսիտան մըն է եւ կ'ուշացնէ բջիջներուն ծերացումը:

Կը պաշտպանէ սրտանօթային հիւանդութիւններէն:

Կը զօրացնէ մարմնին դիմադրականութիւնը:

Կ'օգնէ ճարպերը այրելու եւ նիհարնալու:

Կը դարմանէ փորհարութիւնը եւ աղիքային անհանգստութիւնները:

Կը թթեցնէ յօդային եւ մկանային ցաւերը:

Կ'արգիլէ որոշ ուռերու կազմութիւնն ու զարգացումը:

Կը դարմանէ դէմքին բշտիկները:

Կը պահպանէ մորթին թարմութիւնը եւ զայն երիտասարդ կը պահէ:



Ինչպէ՞ս Գործածել



Աւոքատային կորիզը գործածելու համար նախ հանեցէք անոր բարակ մաշկը, ապա զայն քերոցէ անցուցէք, ստացուած նիւթը թեթեւ կրակի վրայ խորովեցէք եւ պիտի ստանաք կարմրաւուն փոշի մը: Այս փոշիով կրնաք պատրաստել եփուկներ. փոշին 10 վայրկեան եռացնելէ ետք ձգեցէք, որ 5 վայրկեան հանգչի, ապա քամոցէ անցուցէք եւ օրուան ընթացքին խմեցէք:

Նոյն այս փոշին օգտագործեցէք ձեր աղցաններուն, ապուրներուն եւ եղինձներուն մէջ:

Ուշադի՛ր, աւոքատայի կորիզին չափազանցուած

սպառումը կրնայ պնդութիւն պատճառել:

www.armenianprelacykw.org